

Powšitkowne WOZJEWJENJA

njedźelu, 12. awgusta 2018

Serbske kemše w Drježdžanach

Drježdžanscy Serbja su na maćernorěčnu Božu mšu tutu njedźelu, 12. awgusta, w 16.30 hodź. do cyrkwy swjateho Antonija w Drježdžanach-Löbtauwje, Bünauska hasa 10, přeprašeni. Po kemšach, kotraž změje farar Gabriš Nawka, zetkamy so w tamnišej wosadnicy k bjesadze. *M. Bubnerjec*

Na Marije donjebjeswzaća w Róžeńće

Serbskorěčna Boža mša na swjedženju swjateje Marije donjebjeswzaća srjedu, 15. awgusta, w Róžeńće budže w 9 hodź. Wšitcy wěriwi su wutrobnje přeprašeni.

Spominanje na katolsku Serbowku židowskeho pochada

Župa „Michał Hórnik“, Hórčanske wjesne towarstwo „Při skale“, Chróšćanska wosada a Hórčanka Jěwa Marija Elic přeprašuja na wopomnjenske zarjadowanje skladnostnje 100. posmjertnych narodnin Hanki Šercec, katolskeje Serbowki židowskeho pochada. Tute zahaji so srjedu, 15. awgusta, w 17.00 hodź. na Elic dworje w Hórkach, Chróšćanska 17, ze swjatočnosću při ródny domje Hanki Šercec w Hórkach. Chór 1. serbskeje kulturneje brigady je wobrubu. Po tym poskići so na dworje přikusk. W 19.00 hodź. je Boža mša w Chróšćicach, kotruž samsny chór sobu wuhotuje.

Šolowy dzeń

Na lětušim swójbnym popołdnu njedźelu, 26. awgusta, wobrubu projektowy chór serbskich džěci zakónčacy nyšpor. Zajimowane džěci su wutrobnje přeprašene, sobu činić. Proba budže sobotu, 18. awgusta, wot 9 hodź. hač do 14 hodź. w Don Boskowym Domje we Worklecach. Witane su tež te džěci, kotraž njejsu w meji sobu spěwali.

Zetkanje samostejacych w Smochćicach

Samostejacy ze serbskich wosadow su na swoje přichodne zetkanje wutoru, 11. septembra, w 14 hodź. do Domu biskopa Bena w Smochćicach přeprašeni. Zajimcy njech so prošu hač do wutory, 4. septembra, w redakciji Katolskeho Posoła přizjewja, telefonowe čisło (0 35 91) 55 02 12. Štóž chce wotewzaty być, njech to prošu zdžěli. Wšitcy njech sej Wosadnik sobu přinjesu. Tež druhich na zetkanje rady witaja.

50 lět Zdžěrjanska cyrkej

Starobiskop Joachim Reinelt změje njedźelu, 19. awgusta, w 10 hodź. w Zdžěri swjedzensku Božu mšu skladnostnje 50. róčnicy poswjećenja tamnišeje cyrkwy. Kemšam přizamknje so wosadny swjedzeń, na kotrymž zahraja Wulkodubrawscy muzikanća. W 14 hodź. budže džakny nyšpor. Slěduja swačina, bjesada a zhromadne spěwanje. Wšitcy wěriwi su wutrobnje do Zdžěrje přeprašeni.

Ekumeniski nyšpor ze swjećenjom zelow

Ekumeniski nyšpor ze swjećenjom zelow budže njedźelu, 19. awgusta, w 14.30 hodž. w klóštrje Marijinej hwězdze. Na tamnišej zahrodze budžetaj jón cistercienski pater Johannes Müller a ewangelska fararka Claudia Wolf, wobaj z Kamjenca, swječić. Wopytowarjo móža zela sobu přinjesć a je woswječić dać. Po nyšporje zahraje kapała Horjany. Na 6.000 kwadratnych metrow wulkej klóšterskej zahrodze plahuja wjace hač sto družin zelow.

Modlerski wječork wo duchowne powołanja

W Budyskim klóšterku wotměje so pjatk, 24. awgusta, modlerski wječork wo duchowne powołanja. Tutón zahaji so w 17.30 hodž. z Božej mšu. Po tym je modlerska hodžina před wustajenym Najswjećišim z načasnymi spěwami. Přizamknje so zhromadna wječer. Tónle modlerski wječork su młodostni z Wjelečina jako reakciju na lětuši póstny pastyrski list biskopa Heinricha Timmereversa nastorčili.

Swójbne popołdno w Ralbicach

Wšitke swójby ze serbskich wosadow su cyle wutrobnje na zhromadne popołdno do Ralbic na farsku ležownosć přeprošene. Tute zahaji so njedźelu, 26. awgusta, w 14.30 hodž. ze swačinu. Po impulsowym referaće wo formach nabožneho kubłanja džěci scěhuje rozmołwne koło k tutej temje. Džěci změja wšón čas składnosć molować, paslić abo hry hrać. Z nyšporom w 17.00 hodž. so zhromadne popołdno zakónči.

Wosebite wodženje po Smochčanskim parku

„Štož stare štomy a rostliny powědaja“ rěka hesło, pod kotrymž přeprošuje Smochčanski Dom biskopa Bena njedźelu, 19. awgusta, na wosebite wodženje po tamnišim parku. Michaela Noack, krajinowa architektka z Drježdźan, je wuběrna znajerka Smochčanskeho hrodoweho parka a wodženje nawjeduje. Zetkanje zajimcow je w 15 hodž. při studni na dworje. Po wodženju je składnosć, wo widžanym a slyšanym so rozmołwjeć abo při napoju na gitarowe zynki sluchać.

Pytaja hladarja a kublarja zbrašenych

Dom swjateho Jana w Smječkecach pyta wot 1. septembra sobudžělaćerja z kwalifikaciju hladarja a kublarja zbrašenych (Heilerziehungspfleger) abo chorobnu sotru respektiwnje hladarja z wolu, wotpowědnu kwalifikaciju nachwatać. W Janskich kupjelach bydla duchownje zbrašeni ludžo, kotrychž tam zastaruja a spěchuja. Swoje pisomne požadanje njech pósćelu zajimcy prošu na adresu: CSW, Janska kupjel 1, 01920 Worklecy.

Mandželski seminar

Přizjewjenja za přihot na sakrament mandželstwa wot pjatka do soboty, 30. nowembra do 1. decembra, w Smochćicach přijimuju pisomnje hač do srjedy, 7. nowembra, w Dekanatnym dušepastyrstwje we Worklecach. Formulary k tomu su w cyrkwjach wupložene.